

春秋左傳詁

春秋左傳詁卷十八

陽湖洪亮吉學

傳昭公四

二十四年春王正月辛丑召簡公南宮歸以甘桓公見王

子朝劉子謂襄宏曰甘氏又往矣對曰何害同德度義大

誓曰糾有億兆夷人亦有離德尙書作離余有亂十人石

初刻作亂臣刊去臣字與襄廿八年傳同心同德此周所

以興也君其務德無患無人戊午王子朝入于鄆鄆郡國

志緱氏有鄆聚此杜同晉士彌牟逆叔孫于箕叔孫使梁

其經待于門內曰余左顧而欬鄆說文欬逆氣也乃殺之

右顧而笑乃止叔孫見士伯士伯曰寡君以爲盟主之故

是以久子不腆敝邑之禮將致諸從者使彌牟逆吾子叔

孫受禮而歸二月媾至自晉尊晉也 三月庚戌晉侯使

士景伯涖問周故釋文位作蒞士伯立于乾祭而問于介眾韻

郡國志河南北城門名乾祭此杜同詩毛傳介大也晉人

乃辭王子朝不納其使 夏五月乙未朔日有食之梓慎

曰將水五行志作將大水昭子曰旱也日過分而陽猶不克克必

甚能無旱乎陽不克釋文陽不克絕句莫將積聚也 六月壬申

王子朝之師攻瑕及杏皆潰鄭伯如晉子大叔相見范獻

子獻子曰若王室何對曰老夫其國家不能恤敢及王室

抑人亦有言曰殘不恤其緯釋文髮本又作釐韻說文緯織橫絲

也而憂宗周之隕為將及焉今王室日蠹蠹焉韻說文

蠢亂也

廣疋同

春秋王室曰蠢蠢焉一曰厚也按今本作

蠢故杜注動擾貌三體石經作載尙書蠢字說文引作
載古蠢字皆作載俗作蠢按古字多假借說文蠹蟲動
也从虫春聲載字注云古文蠢从𠂔周書曰我有載于
西左傳以蠢爲蠢自是傳本不同惠氏輒指爲俗非也
日諸本作實今从說文改正吾小國懼矣然大國之憂
也吾儕何知焉吾子其早圖之詩曰瓶之罄矣

釋文本又作𩚑

𩚑

說文窶空也詩曰瓶之窶矣惟罍之恥爾雅罍酒樽
方言缶其小者謂之瓶按杜注罍大瓶小亦以意言之
王室之不寧晉之恥也獻子懼而與宣子圖之乃徵會於
諸侯期以明年 秋八月大雩旱也 冬十月癸酉王子

朝用成周之寶珪于河說文按石經此行少一字今攷史記

周本紀正義引左傳云子朝用成周之寶珪沈于河漢

書五行志作湛于河釋文一本或作沈于河則石經刊

去者乃沈字也甲戌津人得諸河上陰不佞以溫人南

侵拘得王者取其玉將賣之則爲石王定而獻之

釋文本或作王

定與之東訾說文王隱晉書地道記訾在鞏縣之東楚子爲

舟師以略吳疆沈尹戌曰此行也楚必亡邑不撫民而勞

之吳不動而速之吳踵楚說文踵追也按說文踵相迹

也廣疋亦云踵迹也踵踵古字通杜注故云攝楚踵

跡而疆場無備邑能無亡乎越大夫胥犴勞王于豫章

之內越公子倉歸王乘舟倉及壽夢帥師從王王及圉陽

而還吳人踵楚而邊人不備遂滅巢及鍾離而還節服處

曰鍾離州來西邑

史記集解

沈尹戌曰亡郢之始於此在矣

王壹動而亡二姓之帥幾如是而不及郢詩曰誰生厲階

至今爲梗

節

詩毛傳梗病也

杜本此

其王之謂乎

二十五年春叔孫婼聘于宋桐門右師見之節周禮大司

馬之職師以門名正義引此傳文并引注云右師宋右

師樂大心也其家居桐門官右師與今杜注不合當是

服注語卑宋大夫而賤司城氏昭子告其人曰右師其

亡乎君子貴其身而後能及人是以有禮今夫子卑其大

夫而賤其宗是賤其身也能有禮乎無禮必亡宋公享昭

子賦新宮昭子賦車轄

詩作牽釋文轄本又作牽

明日宴飲酒樂宋公

使昭子右坐語相泣也樂祁佐退而告人曰今茲君與叔孫其皆死乎吾聞之哀樂而樂哀皆喪心也心之精爽是爲魂魄魂魄去之何以能久季公若之姊爲小邾夫人生宋元夫人生子以妻季平子昭子如宋聘且逆之公若從謂曹氏弗與魯將逐之曹氏告公公告樂祁樂祁曰與之如是魯君必出政在季氏三世矣魯君喪政四公矣無民而能逞其志者未之有也國君是以鎮撫其民詩曰人之云亡心之憂矣魯君失民矣焉得逞其志靖以待命猶可動必憂夏會于黃父謀王室也趙簡子令諸侯大夫輸王粟具成人曰明年將納王子大叔見趙簡子簡子問揖讓周旋之禮焉對曰是儀也非禮也簡子曰敢問何

謂禮對曰吉也聞諸先大夫子產曰夫禮天之經也地之義也民之行也天地之經而民實則之

詒惠棟曰古文孝經實作是是即古寔字見尚書秦誓及詛楚文鄭康成

詩箋云趙魏之東寔實同聲故此傳又作實則天之明

因地之性生其六氣用其五行氣爲五味發爲五色章爲五聲淫則昏亂民失其性是故爲禮以奉之爲六畜

詒鄭元周禮注六牲馬牛羊豕犬雞正義六畜即六牲也始

養之曰畜將用之曰牲杜本此五牲**詒**服虔云牲麋鹿熊

狼野豕本疏三犧**詒**服虔云犧鴈鶩雉也同上以奉五味爲

九文六采五章以奉五色**詒**周禮九章初一日龍次二曰

山次三曰華蟲次四曰火次五曰宗彝皆畫以爲黼次

六曰藻次七曰粉米次八曰黼次九曰黻皆紵以爲繡
考工記畫績之事雜五色東方謂之青南方謂之赤西
方謂之白北方謂之黑天謂之元地謂之黃青與白相
次也赤與黑相次也元與黃相次也青與赤謂之文赤
與白謂之章白與黑謂之黼黑與青謂之黻五色備謂
之繡杜並本此爲九歌八風七音六律以奉五聲爲君臣上
下以則地義爲夫婦外內以經二物爲父子兄弟姊妹甥
舅昏媾姻亞釋文亞本又作姬以象天明爾雅釋親婦之父爲
婚壻之父爲姻兩壻相謂爲亞杜本此說文媾重婚也此爲
政事庸力行務以從四時爲刑罰威獄使民畏忌以類其
震曜殺戮爲溫慈惠和以效天之生殖長育民有好惡喜

怒哀樂生于六氣國賈逵云好生于陽惡生于陰喜生于

風怒生于雨哀生于晦樂生于明同按蒸民正義以此

爲服注蓋服用賈注也是故審則宜類以制六志哀有

哭泣樂有歌舞喜有施舍怒有戰鬪喜生於好怒生於惡

是故審行信令禍福賞罰以制死生生好物也死惡物也

好物樂也惡物哀也哀樂不失乃能協于天地之性是以

長久簡子曰甚哉禮之大也對曰禮上下之紀天地之經

緯也民之所以生也是以先王尙之故人之能自曲直以

赴禮者謂之成人夫不亦宜乎簡子曰鞅也請終身守此

言也宋樂大心曰我不輸粟我於周爲客若之何使客晉

士伯曰自踐土以來宋何役之不會而何盟之不同曰同

恤王室子焉得避之子奉君命以會大事而宋背盟無乃不可乎右師不敢對受牒而返國說文簡牒也牒札也士伯告簡子曰宋右師必亡奉君命以使而欲背盟以干盟主無不祥大焉有鸛鵒來巢書所無也國服虔云鸛鵒

不踰濟今踰宜穴而又巢故云書所無也

本疏

師已曰國

賈逵云魯大夫

史記集解杜本此

異哉吾聞文成之世國賈逵

云文成魯文公成公

同

按論衡集虛篇引此作文成李

善注幽通賦亦同今諸本誤作文武从石經及宋本改

正惠棟曰若云周之文武數百年豈能述知童謠爲魯

昭徵驗乎今本皆作文武俗誤行之久矣童謠有之曰

鸛之鵒之公出辱之鸛鵒之羽公在外野往饋之馬國廣

雅饋遺也

杜本此

鸛鵒跕跕

文選注引作株株

跕漢書集注跕跕

跳行貌

杜本此

公在乾侯徵褰與襦跕說文褰袴也春秋

傳曰徵褰與襦襦短衣也廣疋襪謂之絝

杜本此

方言云

絝齊魯之間謂之襪郭璞云徵褰與襦音騫鸛鵒之巢

遠哉搖搖

五行志引作搖搖今諸刊本作遙遙俗字今據漢書改

跕廣疋遙遙遠也

稠父喪勞

釋文及諸本並誤作稠今從唐石經及宋本改正古今人表亦作稠

宋父以驕鸛

鵒鵒往歌來哭童謠有是今鸛鵒來巢其將及乎秋

書再雩旱甚也

初季公鳥娶于齊鮑文子生甲跕按顧

炎武云石經申誤作甲今攷宋本並作甲與石經合未

可謂之誤諸刻本作申乃傳寫之誤也甲與申字畫相

近而誤如昭十年傳邠甲字諸本並誤作申設無石經

及宋本將何所適從耶此處定从石經宋本作甲或云
猶言某甲失其名耳若著其名何以不再見公鳥死季
公亥與公思展與公鳥之臣申夜姑相其室國小爾雅相

治也

杜本此

及季妣與養人檀通而懼乃使其妾扶已以

示秦遄之妻曰公若欲使余余不可而扶余又訴於公甫
曰展與夜姑將要余秦姬以告公之公之與公甫告平子
平子拘展于卞而執夜姑將殺之公若泣而哀之曰殺是
是殺余也將爲之請平子使豎勿內日中不得請有司逆
命公之使速殺之故公若怨平子季郈之雞鬪季氏介其
雞節賈逵云搏芥子爲末播其雞翼可以至郈氏雞目鄭

眾云介甲也爲雞著甲

本疏

服虔云搏芥子播其雞羽

史記

集解按服杜皆取賈說邠氏爲之金距平子怒益宮于邠

氏韻服虔云金距以金踏距儀禮疏高誘呂覽注云以利鐵

作鍛距沓其距上沓卽踏又淮南王書注云金距施芒

于距且讓之韻方言凡言相責讓曰譙讓杜本此故邠昭

伯亦怨平子古今人表作厚昭伯韻世本昭伯名惡魯孝

公之後稱厚氏也呂覽邠成子爲魯聘于晉高誘注邠

成子魯大夫也邠敬子國之子邠青後也世本孝公生

惠伯革其後爲厚氏臧昭伯之從弟會爲讒於臧氏而

逃於季氏史記作偽讒韻按定十二年傳文子爲不知釋文云

文子爲不知爲字古每假借爲僞陸氏此處未加音切

偶疏漏耳臧氏執旃平子怒拘臧氏老韻服虔云老臧

氏家之大臣

同

將禘於襄公萬者二人其眾萬於季氏

詒

淮南王書禱於襄廟舞者二人惠棟曰傅氏言四人

爲列尙不成樂況二人乎當作八傳文誤也臧孫曰此

之謂不能庸先君之廟大夫遂怨平子公若獻弓於公爲

且與之出射於外而謀去季氏公爲告公果公賁公果公

賁使侍人僚相告公

釋文侍人本亦作寺人

公寢將以戈擊之乃走

公曰執之亦無命也懼而不出數月不見公不怒又使言

公執戈以懼之乃走又使言公曰非小人之所及也公果

自言公以告臧孫臧孫以難告郈孫郈孫以可勸告子家

懿伯懿伯曰讒人以君徼幸事若不克君受其名不可爲

也舍民數世以求克事不可必也且政在焉其難圖也公

退之辭曰臣與聞命矣言若泄臣不獲死乃館於公叔孫

昭子如闕公居于長府九月戊戌伐季氏殺公之於門遂

入之平子登臺而請曰君不察臣之罪使有司討臣以干

戈臣請待於沂上詒水經沂水出泰山蓋縣艾山至下邳

縣西南入泗杜本此以察罪弗許請囚於費弗許史記作鄭詒

服虔云費季氏邑史記集解請以五乘亡弗許詒服虔云言

五乘自省約以出同上于家子曰君其許之政自之出久

矣隱民多取食焉詒荀子宥坐篇奚居之隱也按與此義

同楊倞注隱窮約也亦與杜注略同爲之徒者眾矣曰

入慝作詒周禮環人察軍慝鄭元注慝陰姦也謂軍中有

爲慝者弗可知也眾怒不可蓄也蓄而弗治將瀘釋文瀘本

又作蘊

韻說文蘊積也

杜本此

蘊蓄民將生心生心同求將合

君必悔之弗聽郈孫曰必殺之公使郈孫逆孟懿子**韻**賈

逵云仲孫何忌

同上

叔孫氏之司馬驪戾言於其眾曰若

之何

史記作叔孫氏之臣戾無驪字

韻鄭元云大夫家臣為司馬者莫對

又曰我家臣也不敢知國凡有季氏與無於我孰利皆曰

無季氏是無叔孫氏也驪戾曰然則救諸帥徒以往陷西

北隅以入

一本以作而韓非子內儲作撞西北隅以入

公徒釋甲執冰而踞**韻**

賈逵云冰積丸蓋也

本疏杜取此

方言弓藏謂之韃或謂之

積丸遂逐之孟氏使登西北隅以望季氏見叔孫氏之

旌以告孟氏

內儲篇作見叔孫之旗

執郈昭伯殺之于南門之西遂

伐公徒子家子曰諸臣偽劫君者而負罪以出君止意如

之事君也不敢不改公曰余不忍也與臧孫如墓謀遂行
己亥公孫于齊次于陽州齊侯將唁公于平陰公先至于
野井齊侯曰寡人之罪也使有司待于平陰爲近故也書
曰公孫于齊次于陽州齊侯唁公于野井禮也將求於人
則先下之禮之善物也齊侯曰自莒疆以西請致千社

賈逵云二十五家爲一社千社二萬五千家也
史記集解杜預

此以待君命寡人將帥敝賦以從執事唯命是聽君之

憂寡人之憂也公喜子家子曰天祿不再天若胙君不過

周公以魯足矣失魯而以千社爲臣誰與之立且齊君無

信不如早之晉弗從臧昭伯率從者將盟載書曰戮力

作壹心好惡同之信罪之有無繼繼從公無通外內

雅髓糅搏也髓與繾糅與繾並同按搏卽不離散之意
故杜注云不離散也以公命示子家子子家子曰如此
吾不可以盟羈也不佞不能與二三子同心而以爲皆有
罪或欲通外內且欲去君二三子好亡而惡定焉可同也
陷君於難罪孰大焉通外內而去君君將速入勿通何爲
而何守焉乃不與盟昭子自闕歸見平子平子稽顙曰子
若我何昭子曰人誰不死子以逐君成名子孫不忘不亦
傷乎將若子何平子曰苟使意如得改事君所謂生死而
肉骨也昭子從公于齊與公言子家子命適公館者執之
公與昭子言於幄內曰將安眾而納公公徒將殺昭子伏
諸道左師展告公公使昭子自鑄歸平子有異志冬十月

辛酉昭子齊於其寢使祝宗祈死戊辰卒左師展將以公

乘馬而歸公徒執之 壬申尹文子水經注引涉于鞮焚

東訾弗克 十一月宋元公將爲公故如晉夢大子欒卽

位於廟古今人表作兜欒黃伯思曰祕閣古寶器有宋

公緜餽鼎汲冢師春書緜乃宋景公名與鼎銘合惠棟

云董道云竹書有宋景公緜而史爲頭曼孫炎以緜爲

頭曼合聲以辯周秦之語則緜爲古文欒也已與平公

服而相之旦召六卿諸本旦誤且今从宋本及六經正誤改正公曰寡人不佞

不能事父兄以爲二三子憂寡人之罪也若以羣子之靈

獲保首領以沒惟是楬柎所以藉幹者說文楬部方木

也春秋傳曰楬部薦幹按今本作楬柎以音同而誤又

說文幹脅也按楚辭招魂章去君之恆幹王逸章句幹體也易曰貞者事之幹請無及先君仲幾對曰君若以社稷之故私降昵宴說文昵日近也从日匿聲春秋傳曰私降昵宴或从尼作昵羣臣弗敢知若夫宋國之法死生之度先君有命矣羣臣以死守之弗敢失隊臣之失職常刑不赦臣不忍其死君命祇辱宋公遂行己亥卒于曲棘 十二月庚辰齊侯圍鄆說文賈逵云欲取以居公不書圍鄆人自服不成圍本疏杜取此初臧昭伯如晉臧會竊其寶龜僂句以下爲信與僭僭吉臧氏老將如晉問會請往昭伯問家故盡對及內子與母弟叔孫則不對再三問不對歸及郊會逆問又如初至次于外而察之皆無之執

而戮之逸奔郕

註

說文東平無鹽有郕鄉

杜本此

郕魴假使

爲賈正焉計于季氏

註

惠棟曰上計也臧氏使五人以戈

盾伏諸桐汝之閭會出逐之反奔執諸季氏中門之外平

子怒曰何故以兵入吾門拘臧氏老季臧有惡及昭伯從

公平子立臧會會曰僕句不余欺也

楚子使鬬射城州

屈復茄人焉城丘皇遷訾人焉使熊相祿郭巢季然郭卷

註

郡國志南陽郡葉有卷亭

杜同此

子大叔聞之曰楚王

將死矣使民不安其土民必憂憂將及王弗能久矣

二十六年春王正月庚辰齊侯取鄆

註

賈逵云魯邑

服虔以爲往年齊侯取鄆實圍鄆耳經以圍書取傳實

其事故於是言取

本

葬宋元公如先君禮也

三月公

至自齊處于鄆言魯地也 夏齊侯將納公命無受魯貨

申豐從女賈詒賈達云申豐女賈魯大夫史記集解以幣錦二

兩縛一如瑱詒說文瑱以玉充耳縛束也按今本作縛釋

文直轉反今考縛說文白鮮色也非束縛之義杜注訓

卷則亦以爲縛字蓋自陸德明始誤耳適齊師謂子猶

之人高齮能貨子猶爲高氏後詒史記作許齊臣高齮子

將粟五千庾索隱曰一本子將上有貨字子將梁丘據

也齮音紇齊臣也左傳子將作子猶粟五千庾詒賈達

云十六斗爲庾五千庾八萬斗史記集解按杜注作八千斛

高齮以錦示子猶子猶欲之齮曰魯人買之百兩一布詒

鄭司農云或曰布泉也周禮疏以道之不通先入幣財子

猶受之言於齊侯曰羣臣不盡力于魯君者諸才于作於今从石經改

正非不能事君也然據有異焉服虔云異猶怪也史記集解

杜取此宋元公為魯君如晉卒于曲棘叔孫昭子求納其

君無疾而死不知天之弃魯邪諸本作耶今从石經宋本改正抑魯君有

罪於鬼神故及此也顏氏家訓引傳鬼神下有邪字君若待于曲棘使羣

臣從魯君以卜焉郡國志齊國西安有棘里亭校正義

云卽此棘云曲棘者以上文宋公卒于曲棘而誤若可

師有濟也君而繼之茲無敵矣若其無成君無辱焉齊侯

從之使公子鉏帥師從公成大夫公孫朝謂平子曰有都

以衛國也請我受師許之請納質弗許曰信女足矣告於

齊師曰孟氏魯之敝室也用成已甚弗能忍也請息肩于

齊齊師圍成成人伐齊師之飲馬于淄者淄水經淄水出

泰山萊蕪縣原山南北入海地理志所出山同按杜注

云出梁父縣疑誤曰將以厭眾魯成備而後告曰不勝

眾師及齊師戰于炊鼻齊子淵捷潛夫論齊子淵氏姜

姓按新序曰陳恆弑君使勇士六人劫子淵棲捷與按

字近而致岐從泄聲子射之中臚瓦繇胸汰輈釋文胸本作輈

同說文輈輈下曲者襄十四年傳稱射兩胸而還此與

彼同輈胸字通服虔襄十四年注云輈車輈杜取詩毛

傳輈車輈也杜本七人者三寸聲子射其馬斬鞅殪改

駕人以爲馮戾也而助之子車曰齊人也將擊子車子車

射之殪其御曰又之子車曰眾可懼也而不可怒也子囊

帶從野泄叱之泄曰軍無私怒報乃私也將亢子又叱之

亦叱之冉豎射陳武子中手失弓而罵以告平子曰有君

子白皙鬢須眉

諸本作鬚今从釋文改正石經亦誤作鬚

𦘒說文鬢稠髮也甚

口平子曰必子疆也無乃亢諸對曰謂之君子何敢亢之

林雍羞爲顏鳴右下苑何忌取其耳顏鳴去之苑子之御

曰視下顧苑子荆林雍**𦘒**說文荆擊也廣雅荆斷也斷其

足鑿而乘於他車**𦘒**說文鑿金聲也讀若春秋傳曰鑿而

乘他車按此則傳本作鑿杜注鑿一足行疑賈義如此

後轉因說文讀若乃誤作鑿字也玉篇鑿上感切一足

行按鑿字說文不載顧氏或取諸字林也以歸顏鳴三

入齊師呼曰林雍乘 四月單子如晉告急五月戊子劉

人敗王城之師于尸氏註地理志河南郡偃師尸鄉殷湯

所都按杜云尸在鞏縣西南偃師城今攷帝王世紀尸

鄉在偃師縣西南三十里杜云在偃師城蓋晉初偃師

已并入洛陽也戊辰王城人劉人戰于施谷劉師敗績

秋盟于鄭陵謀納公也七月己巳劉子以王出註服

虔云出成周也本庚午次于渠王城人焚劉丙子王宿

于褚氏註郡國志洛陽有褚氏聚杜同此丁丑王次于萑谷

釋文萑本或作萑庚辰王入于胥靡辛巳王次于滑晉知躒趙鞅

帥師納王使女寬註章昭國語注女齊之子叔褒守闕塞

註洛陽記使女寬守闕塞服虔云謂南山伊闕是也御覽

大元一京相璠曰土地名伊闕在洛陽西南五十里通鑑

統志

音按釋文作關塞諸刊本並同疑轉寫之譌水經注云

昔大禹疏伊闕以通水兩山相對望之若闕伊水厯其

間北流故謂之伊闕矣春秋之闕塞也九月楚平王卒

令尹子常欲立子西韻服虔云子西平王之長庶子宜申

御竟曰大子王弱其母非適也韻服虔云卽昭王也其年

幼弱母秦嬴同按哀六年楚子軫卒則昭王名軫疑王

非昭王或卽位後改名耶史記楚世家十二諸侯年表

又作珍蓋轉寫異文伍子胥傳仍作軫服虔左傳注作

任王子建實聘之韻服虔云謂夫人故大子建聘之上同

子西長而好善立長則順建善則治王順國治可不務乎

子西怒曰是亂國而惡君王也韻服虔云廢而不立是謂

亂國追惡君王也

上同

國有外援不可瀆也服虔云外

援謂大子任秦之外甥瀆易也秦爲任外援不可易也

上同

王有適嗣不可亂也敗親速讎亂嗣不祥我受其名

賂吾以天下吾滋不從也楚國何爲必殺令尹令尹懼乃

立昭王 冬十月丙申王起師于滑辛丑在郊遂次于尸

十一月辛酉晉師克鞏召伯盈逐王子朝王子朝及召氏

之族毛伯得尹氏固南宮嚚奉周之典籍以奔楚服虔惠棟

曰周之典籍盡在楚矣三墳五典八索九丘左史倚相

觀射父讀之而楚檮杌之書頗可觀國語采之流及屈

宋而楚騷比于周雅書之益人如是陰忌奔莒以叛召

伯逆王于尸及劉子單子盟遂軍圍澤次于隄上癸酉王

入于成周甲戌盟于襄宮晉師使成公般戍周而還十二月癸未王入于莊宮王子朝使告于諸侯曰昔武王克殷

詒服虔王肅並注云文王受命武王伐紂故云文武克

殷本疏樓下云吾無專享文武之功則合文武是也杜無

注諸本悉作武王克殷疑誤成王靖四方康王息民並

建母弟以蕃屏周亦曰吾無專享文武之功且爲後人之

迷敗傾覆而溺入于難則振救之至于夷王王愆于厥身

諸侯莫不並走其望以祈王身至于厲王王心戾虐萬民

弗忍居王于彘諸侯釋位以間王政**詒**服虔云言諸侯釋

其私政而佐王室三國志及文選注宣王有志而後效官至于

幽王天不弔周王昏不若用愆厥位攜王奸命**詒**束皙樓

左傳攜王奸命舊說攜王爲伯服伯服古文作伯盤非

攜王

本疏

按竹書紀年幽王八年王立褒姒之子曰伯服

十一年犬戎入宗周弑王下卽云犬戎殺王子伯服是
攜王非伯服舊說誤也紀年又云是年申侯魯侯許男
鄭子立宜臼于申虢公翰立王子余臣于攜沈約注是
爲攜王二王並立是攜王爲王子余臣至平王二十一
年紀年始云晉文公殺王子余臣于攜是矣攜爲周地
杜春秋地名曰攜地闕卽其證平王立二十餘年而余
臣始爲晉所殺則其時亦當如東王西王之並峙故云
奸命也杜旣承舊說而誤而正義又云余臣本非適故
稱攜王是又不知攜爲地名而誤以爲諡號矣皆非也

諸侯替之而建王嗣用遷邾郕地理志河南郡河南故

邾郕也則是兄弟之能用力於王室也至于惠王天不

靖周生殯禍心

諸本誤作殯今从石經改

施于叔帶惠襄辟難越去王

都則有晉鄭咸黜不端王肅云咸皆也

本按疏又云諸

本咸又作減呂覽仲冬紀水泉減竭今月令作咸竭是

咸爲古文減以綏定王家則是兄弟之能率先王之命

也在定王六年秦人降妖

釋文妖本又作妖

說文衣服歌謠草

木之怪謂之妖曰周其有頊王亦克能修其職按能

字疑衍諸侯服享二世共職王室其有間王位諸侯不

圖而受其亂災至于靈王生而有頊王甚神聖無惡于諸

侯靈王景王克終其世今王室亂單旗劉狄剝亂天下壹

行不若謂先王何常之有唯余心所命其誰敢討之帥羣

不弔之人

詔尔正弔至也

杜本此

以行亂于王室侵欲無厭

玩求無度

諸本玩誤規今改正

詔服王孫皆注云玩貪也

本按此則疏

舊本規作玩正義亦云俗本作規謬也貫瀆鬼神

正貫習也說文損習也春秋傳曰損瀆鬼神按今本作

貫蓋隸省

杜本此

慢棄刑法倍奸齊盟傲狠威儀

釋文狠作很

矯誣先王晉爲不道是攝是贊**詔**儀禮鄭元注攝持也

杜本

此

思肆其罔極茲不穀震盪播越

釋文盪本或作蕩

竄在荆蠻

未有攸底若我一二兄弟甥舅獎順天法無助狡猾以從

先王之命

釋文猾又作滑

毋速天罰赦圖不穀則所願也敢盡布

其腹心及先王之經而諸侯實深圖之昔先王之命曰王

后無適則擇立長年釣以德德釣以下

後漢書劉楨傳引此釣作均古字通

節膏肓云春秋之義三代異建適勝別貴賤有姪姊以廣親疏立適以長不以賢立子以貴不以長王后無適明尊之敬之義無所卜筮不以賢者人狀難別嫌有所私故絕其怨望防其覬覦今如左氏言云年釣以德德釣以下君之所賢人必從之豈復有卜隱桓之禍皆由此興乃曰古制不亦謬哉又大夫不世如並爲公卿通計嗣之禮左氏爲短箴膏肓云立適固以長矣無適而立子固以貴矣今言無適則擇立長謂貴均如立長王不得立愛之法年均則會羣臣羣吏萬民而詢之有司以序進而問大眾之中非君所能掩是王不得立愛之

法也禮有詢立君示義在此距之言謬失春秋與禮之

義矣

周禮疏

又云若長均貴均何以別之故須卜禮有詢

立君是有卜也

禮記疏

王不立愛公卿無私古之制也穆

后及大子壽早夭卽世單劉贊私立少以間先王亦惟伯
仲叔季圖之閔馬父聞子朝之辭曰文辭以行禮也子朝
干景之命遠晉之大以專其志無禮甚矣文辭何爲 齊
有彗星齊侯使禳之節說文禳殲禳祀除厲殃也晏子曰
無益也祇取誣焉天道不誂節按前人云杜于誂怕二字
皆以疑爲訓而不攷其意誂怕雖通用而各有本訓此
言天道不濫惟德是與觀下文可見又按論衡變虛篇
引作不閤不貳其命若之何禳之且天之有彗也以除

穢也君無穢德又何禳焉若德之穢禳之何損

論衡引作何益新序

同

詩曰惟此文王小心翼翼昭事上帝聿懷多福厥德不

回以受方國君無違德論衡引作回德回邪也今攷新

序仍作違方國將至何患於彗詩曰我無所監夏后及

商用亂之故民卒流亡若德回亂民將流亡祝史之爲無

能補也公說乃止齊侯與晏子坐于路寢

史記作柏寢

公歎曰

美哉室其誰有此乎服虔云景公自恐德薄不能久享

齊國故曰誰有此也

史記集解杜預此

晏子曰敢問何謂也公

曰吾以爲在德對曰如君之言其陳氏乎陳氏雖無大德

而有施于民豆區釜鍾之數其取之公也薄其施之民也

厚公厚斂焉陳氏厚施焉民歸之矣詩曰雖無德與女式

歌且舞陳氏之施民歌舞之矣後世若少情釋文情本亦作情陳

氏而不亡則國其國也已公曰善哉是可若何對曰唯禮

可以已之在禮家施不及國民不遷農不移工賈不變釋文

工賈古本亦作商賈士不濫官不滔詩孔安國書傳滔漫也杜本大

夫不收公利公曰善哉我不能矣吾今而後知禮之可以

爲國也對曰禮之可以爲國也久矣與天地並君令臣共

父慈子孝兄愛弟敬夫和妻柔姑慈婦聽禮也君令而不

違臣共而不貳父慈而敬子孝而箴詩孔安國書傳箴諫

也杜本兄愛而友弟敬而順夫和而義妻柔而正姑慈

而從婦聽而婉詩毛傳婉順也杜本禮之善物也公曰

善哉寡人今而後聞此禮之上也對曰先王所稟於天地

以爲其民也是以先王上之

二十七年春公如齊公至自齊處于鄆言在外也 吳子

欲因楚喪而伐之使公子掩餘史記掩餘作蓋餘下並同公子燭庸帥

師圍潛韻賈逵云二子皆王僚母弟潛楚地在廬江六縣

西南本疏又云二公子皆吳王僚之弟史記集解地理志廬江

郡鄣縣水經注亦作潛使延州來季子聘于上國韻服

虔云上國中國也蓋以吳僻在東南地勢卑下中國在

其上游故謂中國爲上國也本疏遂聘于晉以觀諸侯楚

莠尹然工尹麋諸本工誤王今从石經釋文改正韻服虔云王尹主宮內

之政本疏按正義亦云定本作工而服注云云疑漢時本

已誤近梁孝廉處素云王尹蓋玉尹之誤古玉字皆作

王也帥師救潛左司馬沈尹戌帥都君子與王馬之屬

以濟師詒賈逵云都君子在都邑之士有復除者同與吳

師遇于窮詒說文窺夏后氏諸侯夷羿國也京相璠曰今

安豐有窺水北入淮道元云窮水出安豐縣窮谷窮音

戎水經注唐石經窮下有谷字道元所引同正義以為有

谷字非也按石經窮下本無谷字乃後人旁增耳令尹

子常以舟師及沙汭而還詒京相璠曰沙汭楚東地也同

左尹卻宛工尹壽帥師至于潛吳師不能退吳公子光曰

此時也詒服虔云時言可殺王之時也史記集解弗可失也告

鬴設諸曰上國有言曰詒賈逵云上國中國也服虔云上

國謂上古之國賢士所言也本疏不索何獲詒服虔云不

索當何時得也

史記集解

我王嗣也詒服虔云夷昧生光而

廢之僚者夷昧之庶兄夷昧卒僚代立故光曰我王嗣

也

本

世本云夷昧及僚夷昧生光

同

惠棟云服氏之說

是也襄公卅一年傳吳屈狐庸曰若天所啓其在今嗣

君乎有吳國者必此君之子孫實終之注云嗣君爲夷

昧則光夷昧之子審矣世本左傳本出一人之手正義

以世本多誤不足依據豈其然乎按杜注光吳王諸樊

子也用史記說吾欲求之事若克季子雖至不吾廢也

王肅云聘晉還至

史記集解杜取此

鮑設諸曰王可弑也母老

子弱是無若我何詒服虔云母老子弱專諸托其母子于

光也又云我無若是何

同

彭仲博云當言是無我若何

我母無我當如何我字當在若上本疏王肅云專諸云王

母老子弱

史記集解

今按史記專諸曰王僚可殺也母老子

弱而公子將兵攻楚楚絕其路方今吳外困于楚而內

空無骨鯁之臣是無柰我何光曰我身子之身也索隱

云依王肅解與史記同于理無失服虔杜預見左傳下

文云我爾身也及其子為卿遂強解是無若我何猶

言我無若是何語不近情過為迂曲非也又攷下傳光

云我爾身也句終當以服杜注為是光曰我爾身也夏

四月韻

史記月下有丙子二字光伏甲於堀室而享王

史記

堀作窟下同

王使甲坐於道及其門門階戶席皆王親也夾之

以鉞韻

說文曰鉞劒也羞者獻體改服於門外執羞者坐

行而入執鉞者夾承之及體以相授也光僞足疾入于淵

室鮪設諸寘劍于魚中以進**鮪**服虔曰全魚炙也史記集解杜取

此抽劍刺王鉞交於匈石經本作匈後人不知妄改作

之僅存者**鮪**賈逵云交專諸匈也同遂弑王闔廬水經注

以其子為卿季子至曰苟先君無廢祀民人無廢主社稷

有奉國家無傾乃吾君也吾誰敢怨哀死事生以待天命

鮪服虔云待其天命之終也同非我生亂立者從之先

人之道也復命哭墓**鮪**服虔云復命于僚哭其墓也同復

位而待吳公子掩餘奔徐公子燭庸奔鍾吾楚師聞吳亂

而還卻宛直而和國人說之鄢將師為右領與費無極

比而惡之令尹子常賄而信讒無極譖卻宛焉謂子常曰

子惡欲飲子酒又謂子惡令尹欲飲酒於子氏子惡曰我賤人也不足以辱令尹令尹將必來辱爲惠已甚吾無以酬之若何無極曰令尹好甲兵子出之吾擇焉取五甲五兵服虔云兵戟也本疏曰寘諸門令尹至必觀之而從以酬之及饗日帷諸門左無極謂令尹曰吾幾禍子子惡將爲子不利甲在門矣子必無往且此役也吳可以得志子惡取賂焉而還又誤羣帥使退其師曰乘亂不祥吳乘我喪我乘其亂不亦可乎令尹使視卻氏則有甲焉不往召鄢將師而告之將師退遂令攻卻氏且熱之說文熱燒也杜本此子惡聞之遂自殺也國人弗熱令曰不熱卻氏與之同罪或取一編管焉或取一秉秆焉說文管茅也

稭禾莖也稭或从禾春秋傳曰或投一秉稭毛傳秉把

也

杜本此

國人投之遂弗爇也令尹炮之詒服虔云民弗

肯爇也

本疏

鄢將師稱令尹使女燔炮之上同盡滅卻氏之

族黨殺陽令終與其弟完及佗與晉陳及其子弟晉陳之族呼於國曰鄢氏費氏自以爲王專禍楚國弱寡王室蒙王與令尹詒漢書集注蒙蔽也以自利也令尹盡信之矣國將如何令尹病之秋會于扈令戍周且謀納公也宋衛皆利納公固請之范獻子取貨于季孫謂司城子梁與北宮貞子曰季孫未知其罪而君伐之請囚請亡於是乎不獲君又弗克而自出也夫豈無備而能出君乎季氏之復天救之也休公徒之怒而啓叔孫氏之心不然豈其伐

人而說甲執冰以游叔孫氏懼禍之濫而自同于季氏天之道也魯君守齊三年而無成季氏甚得其民淮夷與之有十年之備有齊楚之援有天之贊有民之助有堅守之心有列國之權而弗敢宣也詩宣顯也
詩釋 按杜注文

言用也恐誤事君如在國故鞅以爲難二子皆圖國者也而欲納魯君鞅之願也請從二子以圖魯無成死之二子懼皆辭乃辭小國而以難復 孟懿子陽虎伐鄆鄆人

將戰子家子曰天命不怙久矣使君亡者必此眾也天既

禍之而自福也不亦難乎猶有鬼神此必敗也烏乎諸本作鳴

呼今从石經改正且與傳文前後畫一爲無望也夫其死於此乎公使子家

子如晉公徒敗于且知 楚卻宛之難國言未已進胙者

莫不謗令尹沈尹戌言于子常曰夫左尹與中廐尹莫知其罪而子殺之以興謗讟至于今不已戌也聞之仁者殺人以掩謗猶不爲也今吾子殺人以興謗而弗圖不亦異乎夫無極楚之讒人也民莫不知去朝吳出蔡侯朱喪大子建殺連尹奢屏王之耳目使不聰明不然平王之溫惠恭儉有過成莊無不及焉所以不獲諸侯翹無極也今又殺三不辜以興大謗幾及子矣子而不圖將焉用之夫鄢將師矯子之命以滅三族國之良也而不愆位吳新有君疆場日駭楚國若有大事子其危哉知者除讒以自安也今子愛讒以自危也甚矣其惑也子常曰是瓦之罪敢不良圖九月己未子常殺費無極與鄢將師盡滅其族以說

于國謗言乃止 冬公如齊齊侯請饗之子家子曰朝夕
立於其朝又何饗焉其飲酒也乃飲酒使宰獻而請安謂
服虔云主人請安謂主人使司正請安于賓本疏惠棟按
管子幼官篇云三千里之外諸侯世一至置大夫以爲
廷安齊君飲昭公酒故使宰獻而仍用廷安之禮非卑
公也杜氏以爲比公于大夫失之子仲之子曰重爲齊
侯夫人曰請使重見子家子乃以君出 十二月晉籍秦
致諸侯之戍于周魯人辭以難

二十八年春公如晉將如乾侯子家子曰有求於人而卽
其安人孰矜之其造於竟弗聽使請逆于晉晉人曰天禍
魯國君淹恤在外君亦不使一个辱在寡人而卽安於甥

舅其亦使逆君使公復于竟而後逆之 晉祁勝與鄔臧

通室

石經初刻作鄔後改刻作鄔下鄔大夫亦同誤

祁盈將執之訪于司馬叔游

叔游曰鄭書有之惡直醜正實蕃有徒

詩周頌引傳文實作寔

西

京賦寔藩有徒辭綜注寔實也蕃多也無道立矣子懼

不免詩曰民之多辟無自立辟姑已若何曰祁氏私有討

國何有焉遂執之祁勝賂荀躒荀躒爲之言於晉侯晉侯

執祁盈祁盈之臣曰鈞將皆死慙使吾君聞勝與臧之死

也以爲快說文云慙願也惠棟曰言鈞死耳願使吾君

先聞二人之死以爲快杜注云發語辭非外傳曰吾慙

置之于耳以慙御人又曰慙庇州犁韋昭皆訓爲願大

夫稱主今稱君者蓋其臣三世仕于祁氏矣又云慙讀

爲銀與寧同音又讀爲甯古寧甯同字說文寧與憇皆

訓爲願乃殺之夏六月晉殺祁盈及楊食我

論衡作羊舌食我

食我祁盈之黨也而助亂故殺之遂滅祁氏羊舌氏初叔向欲取於申公巫臣氏其母欲取其黨

論衡

叔向之母

姬姓按上傳昭公三年叔向對晏子曰晉之公族盡矣

正義引世族譜云叔向晉之公族今論衡云向母姬姓

是向之父取于同姓也劉向列女傳亦云羊舌叔姬者

叔向之母也潛夫論亦稱叔向母爲叔姬叔向曰吾母

多而庶鮮吾懲舅氏矣其母曰子靈之妻殺三夫一君一

子而亡一國兩卿矣可無懲乎吾聞之甚美必有甚惡是

鄭穆少妃姚子之子子貉之妹也子貉早死無後而天鍾

美於是將必以是大有敗也昔有仍氏生女黥黑𠂔賈逵

云美髮曰黥

本疏杜取此

說文作今又作髻云稠髮也服虔

云髮美爲髻詩曰鬢髮如雲其言美長而黑以髮美故

曰元妻

毛詩疏

而甚美光可以鑑名曰元妻樂正后夔取

之生伯封

古今人表作伯封叔

實有豕心食怵無厭

釋文厭本亦作厭

𠂔賈

逵云貪者食也其人貪者財利飲食無知厭足忿怒狠

戾無有期度時人謂之大豬

本疏

說文河內之北謂貪曰

怵怵類無期

釋文類又作類

𠂔服虔云忿怒其類以屢其私無

期度也

同上

按釋文一作類亦與服同當係僕時本如此

謂之封豕有窮后羿滅之夔是以不祀且三代之亡共子

之廢皆是物也女何以爲哉夫有尤物足以移人苟非德

義則必有禍叔向懼不敢取平公強使取之生伯石伯石始生子容之母走謁諸姑曰長叔姒生男

韻

禮記喪服章

云娣姒婦報傳曰娣姒婦者弟長也傳言弟長者雙訓

娣姒云言娣是弟姒是長也鄭元曰娣姒者兄弟之妻

相名也長婦謂穉婦為娣婦娣婦謂長婦為姒婦按杜

注似不分明姑視之及堂聞其聲而還曰是豺狼之聲

也

文選注引無也字釋文豺本又作豺

狼子野心非是莫喪羊舌氏矣

文選注引

無矣

韻

論衡引作野心無親非是莫喪羊舌氏遂弗視

秋晉韓宣子卒魏獻子為政分祁氏之田

水經引作所

以為七

縣分羊舌氏之田以為三縣司馬彌牟為鄆大夫

韻

水經

注晉大夫司馬彌牟之邑謂之鄆水俗亦曰慮水慮鄆

聲相近故因變焉賈辛爲祁大夫司馬烏爲平陵大夫

魏戊爲梗陽大夫註京相璠曰梗陽晉邑今大原晉陽縣

南六十里榆次界有梗陽城

水經

地理志榆次梗陽鄉

魏戊邑知徐吾爲涂水大夫

古今人表知作智

註地理志大原

郡榆次涂水鄉晉大夫知徐吾邑師古曰涂音塗韓固

爲馬首大夫孟丙爲孟大夫註顧炎武曰今本作孟丙者

非地理志大原郡孟縣晉大夫孟丙邑以其爲孟大夫

而謂之孟丙猶魏大夫之爲魏壽餘閭大夫之爲閭嘉

邯鄲大夫之爲邯鄲午也又攷孟孟字相近而譌第石

經及宋本並作孟丙古今人表及水經注亦同今據地

理志等改正樂霄爲銅鞮大夫註地理志上黨郡銅鞮

杜本 趙朝為平陽大夫 **註** 地理志河東郡平陽應劭曰

堯都也在平河之陽 杜本此今本平誤巫 僚安為楊氏大夫 **註** 地

理志河東郡楊應劭曰故楊侯國謂賈辛司馬烏為有

力於王室故舉之謂知徐吾趙朝韓固魏戊餘子之不失

職能守業者也其四人者皆受縣而後見於魏子以賢舉

也魏子謂成鱣吾與戊也縣人其以我為黨乎對曰何也

戊之為人也遠不忘君近不偪同居利思義在約思純有

守心而無淫行雖與之縣不亦可乎昔武王克商光有天

下其兄弟之國者十有五人姬姓之國者四十人皆舉親

也 **註** 按荀 為天下立七十一國姬姓獨五十三人與

此不同 蓋合兄弟同姓為一也夫舉無他 風俗通引傳文

下有也字惟善所在親疏一也詩曰惟此文王詩作惟此王

季正義經涉亂離師有異讀後人因而兩存不敢追改

今王肅注毛詩及韓詩亦作惟此文王鄭注毛詩作惟

此王季故稱比于文王言王季之德可以比于文王也

帝度其心莫其德音

毛詩作貊下德正應和曰莫亦同

其德克明克明克

類克長克君王此大國

毛詩國作邦樂記引詩亦作邦

克順克比比于文

王

樂記比作俾史記樂書亦作俾

鄭箋曰俾讀爲比聲之誤也其德靡

悔既受帝祉施于孫子心能制義曰度服虔云心能制

事使得其宜言善揆度事也

詩疏

惠棟曰自此至經緯天

地曰文皆見周書諡法惟闕曰莫曰君張守節所引諡

法云賞慶刑威曰君孔晁注曰能行四者德正應和曰

莫注云正其德應其和德正應和曰莫同毛傳莫莫言

清靜而敬至也

杜本此

服虔云在已爲德施行爲正發號

施令天下皆應和之言皆莫然無譴譁也

同

照臨四方

曰明同服虔云豫見安危也

同

勤施無私曰類

周書作勤政疑誤

教誨不倦曰長同服虔云教誨人以善不懈倦言善長以

道德也

同

賞慶刑威曰君慈和徧服曰順同服虔云上

愛下曰慈和中和也爲上而愛下行之以中和天下徧

服從而順之擇善而從之曰比同服虔云比方損益古

今之宜而從之

同

按之字衍周書及毛傳皆無之字鄭

氏樂記注引無而字有之字經緯天地曰文同服虔云

德能經緯順從天地之道故曰文

同

九德不愆作事無

悔故襲天祿子孫賴之主之舉也近文德矣所及其遠哉

賈辛將適其縣見於魏子魏子曰辛來昔叔向適鄭

茂惡

文選注引傳茂作叢

欲觀叔向從使之收器者而往立於堂下

一言而善叔向將飲酒聞之曰必驕明也下執其手以上

曰昔賈大夫惡韻按水經注謂賈大夫即賈辛誤晉語賈

辛在悼公時與叔向同朝不得言昔取妻而美三年不

言不笑御以如皐韻詩毛傳皐澤也

杜本此

射雉獲之其妻

始笑而言賈大夫曰才之不可以已我不能射女遂不言

不笑夫

石經初刻脫夫字重增入

今子少不颺子若無言無幾失子矣

言之不可以已也如是遂如故知今女有力於王室

諸本力誤

功今从石經宋本改

吾是以舉女行乎敬之哉毋墮乃力韻高誘呂

覽注墮廢也韋昭國語注墮毀也按杜注云損似非義

訓仲尼聞魏子之舉也以爲義曰近不失親遠不失舉
可謂義矣又聞其命賈辛也以爲忠詩曰永言配命自求
多福忠也魏子之舉也義其命也忠其長有後于晉國乎
冬梗陽人有獄魏戍不能斷以獄上其大宗賂以女樂

歸賈逵云訟者之大宗

御覽杜取此

魏子將受之魏戍謂閭

沒女寬曰

晉語作閭沒叔寬韋昭注閭沒閭明叔寬女

齊之子叔褒賈逵云二子晉大夫魏子之族

同上主以不

賄聞於諸侯若受梗陽人賄莫甚焉吾子必諫皆許諾退

朝待於庭饋入召之

歸賈逵云召二大夫食

同上比置三歎

既食使坐魏子曰吾聞諸伯叔諺曰惟食忘憂吾子置食

之間三歎何也同辭而對曰或賜二小人酒詰賈逵云小

人二子自謂同不夕食詰服虔云昨飲酒醉故不夕食

同饋之始至恐其不足是以歎中置自咎曰豈將軍食

之而有不足是以再歎及饋之畢願以小人之腹為君子

之心初學記引此願上有曰字屬厭而已詰服虔云屬足

也小人二子自謂腹飢則恐食之不足厭飽則知止君

子居尊官食重祿而不知足故願以其腹為君子之心

同韋昭國語注云屬適也厭飽也已止也適小飽足則

自節也獻子辭梗陽人初學記引子字下有遂字

二十九年春公至自乾侯處于鄆齊侯使高張來唁公稱

主君詰服虔云大夫稱主君比公于大夫故稱主君史記集解

杜取此 子家子曰齊卑君矣君祇辱焉公如乾侯 三月

己卯京師殺召伯盈尹氏固及原伯魯之子尹固之復也
有婦人遇之周郊尤之曰處則勸人爲禍行則數日而反
是夫也其過三歲乎夏五月庚寅王子趙車入于鄆說
文鄆周邑也杜本此以叛陰不佞敗之 平子每歲賈馬

具從者之衣屨而歸之于乾侯公執歸馬者賣之乃不歸
馬衛侯來獻其乘馬曰啓服塹而死公將爲之櫝說文

櫝匱也子家子曰從者病矣請以食之乃以幃裏之釋文

作唯說說文幃囊也公賜公衍羔裘使獻龍輔於齊侯說

文龍禱旱玉按今本作龍杜注龍輔玉名蓋取此遂入

羔裘齊侯喜與之陽穀公衍公爲之生也其母偁出公衍

先生公爲之母曰相與偕出請相與偕告三日公爲生其母先以告公爲爲兄公私喜於陽穀而思於魯曰務人爲此禍也且後生而爲兄其誣也久矣乃黜之而以公衍爲大子 秋龍見于絳郊魏獻子問于蔡墨曰吾聞之蟲莫知于龍以其不生得也謂之知信乎對曰人實不知非龍實知古者畜龍故國有豢龍氏詒賈逵云豢養

也穀食曰豢

史記集解服虔同

服虔云御亦養也養馬曰圉以

養犬豕曰豢

本疏杜取此

按御圉字同管子書皆以圉爲御

獻子曰是二氏者吾亦聞之而不知其故是何謂也對曰

昔有麴叔安

古今人表作麴叔安師古曰左傳作麴同音力周反

詒按杜注麴古國

也今攷說文鄆地名鄆當卽蓼國麴鄆古字通又叔

安王充論衡引作叔宋疑誤有裔子曰董父潛夫論引有作其

實甚好龍能求其耆欲以飲食之龍多歸之潛夫論引有作焉乃擾

畜龍潛夫論作乃學擾龍詒校集解引應劭曰擾音柔擾馴也能順

養得其嗜欲又按尙書擾而毅徐廣曰擾一作柔玉篇

擾字注云牛柔謹也從也安也又馴也尙書擾而毅字

如此音而小而照二切是擾本作擾一音柔也以服事

帝舜帝賜之姓曰董氏曰豢龍論衡帝賜作而錫封諸豸川豸夷

氏其後也潛夫論豸作腰腰即嚴字論衡其上有是字故帝舜氏世有畜龍及

有夏孔甲擾于有帝有字疑誤論衡無有字帝賜之乘龍詒服虔云

四頭爲乘四乘十六頭也漢各二詒服虔云河漢

各二乘釋文各有雌雄孔甲不識其而末獲豢龍氏有陶

唐氏既衰其後有劉累

古今人表作劉桑師古曰古累字後古文又作后

𡗗服虔

云后劉累之爲諸侯者夏時賜之姓

史記集解按此則服本

後作后學擾龍于豢龍氏以事孔甲能飲食之夏后嘉

之賜氏曰御龍以更豕韋之後**𡗗**賈逵云劉累之後至商

不絕以代豕韋之後祝融之後封于豕韋殷武丁滅之

以劉累之後代之

同上

惠棟曰史記更作受周禮巾車曰

歲時受讀杜子春日受當爲更儀禮燕禮及大射禮注

皆云古文更爲受是更與受古今字耳汲郡古文云孔

甲元年廢豕韋氏使劉累豢龍龍一雌死潛醢以食夏

后夏后饗之**𡗗**

按論衡饗作烹此刻本之訛烹當作亨亨

爲古亨字亨與饗通上云潛醢以食夏后不得復言夏

后烹之也既而使求之懼辭綜南都賦注引此既而**詒**

賈逵云夏后既而又使求致龍不能得而懼也史記集解而

遷于魯縣論衡而下有**詒**地理志南陽郡魯陽有魯山古

魯縣御龍氏所遷杜本范氏其後也獻子曰今何故無

之對曰失物物有其官官修其方朝夕思之一日失職則

死及之失官不食官宿其業**詒**服虔云宿思也今日當預

思明日之事如家人宿火矣本其物乃至若泯棄之物

乃坻伏論衡作**詒**廣雅收隱也坻與收同鬱湮不育釋文

堙湮堙**詒**賈逵云鬱滯也湮塞也本按廣疋亦云湮塞也

杜取故有五行之官是謂五官實列受氏姓封為上公

祀為貴神鄭元禮記注引社稷五祀是尊是奉木正曰勾

芒訪賈逵云總言萬物勾芒非專木生如勾本火正曰祝

融訪賈逵云夏陽氣明朗祝甚也融明也同金正曰蓐收

水正曰元冥土正曰后土訪賈逵云勾芒祀于戶祝融祀

于竈蓐收祀于門元冥祀于井后土祀于中雷同正義

在家則祀中雷蓋取賈說龍水物也水官棄矣故龍不

生得訪先儒說左氏者皆以爲五靈配五方龍屬木鳳屬

火麟屬土白虎屬金神龜屬水其五行之次木生火火

生土土生金金生水水生木王者修其母則致其子水

官修則龍至木官修則鳳至火官修則麟至土官修則

白虎至金官修則神龜至故爲其說云視明禮修而麟

至思睿信立而白虎擾言從文成而神龜在沼聽聽知

正而名川出龍貌恭體仁而鳳凰來儀皆修其母而致

其子也太不然周易有之在乾三三之垢三三曰潛龍

勿用其同人三三䷌服虔云天在上火炎上同于天天不

可同故曰同人本疏曰見龍在田其大有三三曰飛龍在

天其夬三三曰亢龍有悔其坤三三曰見羣龍無首吉坤

之剝三三曰龍戰于野釋文坤本䷖按大戴禮記易之乾

坤並作《字王肅家語注《古坤字象六斷之形陸氏

周易坤卦坤字注云本又作《《今字也今攷說文無

《字五經周易已皆作坤則此傳作坤爲得不必從釋

文改也惟陸氏斥以爲今字恐非干祿字書收《坤二

字云上通下正若不朝夕見誰能物之獻子曰社稷五

祀誰氏之五官也對曰少皞氏有四叔曰重曰該古今人表作瑛

曰修曰熙實能金木及水使重為勾芒該為蓐收修及熙

為元冥世不失職按潛夫論世不失職上有恪共厥業

四字今攷杜注云四子能治其官便不失職濟成少皞

之功死皆為民所祀分句解之似當有也存侯學者論

定遂濟窮桑賈逵云處窮桑以登為帝故天下號之

曰窮桑帝賈以濟為渡也本疏水經注亦同服虔云窮桑顓頊

所居路史後記此其三祀也顓頊氏有子曰犁詩疏引傳作犁尚書及國

語皆作黎黎犁古字通為祝融共工氏有子曰勾龍為后土說文

社地主也春秋傳曰勾龍為社神此其二祀也后土為

社稷田正也周禮疏引作稷為田正有烈山氏之子曰柱釋文烈如字禮記作

屬

註按孔穎達郊特牲正義作列山氏宋庠國語補注音

曰左傳作列山今本並作烈山容古字通賈逵鄭元皆

云烈山炎帝之號本疏按劉炫規過亦從賈義爲稷自夏

以上祀之周棄亦爲稷自商以來祀之 冬晉趙鞅荀寅

帥師城汝濱遂賦晉國一鼓鐵以鑄刑鼎**註**服虔云鼓量

名也曲禮曰獻米者操量鼓取晉國一鼓鐵以鑄之同上

著范宣子所爲刑書焉仲尼曰晉其亡乎失其度矣夫晉
國將守唐叔之所受法度以經緯其民卿大夫以序守之
民是以能尊其貴貴是以能守其業貴賤不愆所謂度也
文公是以作執秩之官爲被廬之法以爲盟主今棄是度
也而爲刑鼎民在鼎矣何以尊貴貴何業之守貴賤無序

何以爲國且夫宣子之刑夷之蒐也晉國之亂制也若之
何以爲法蔡史墨曰范氏中行氏其亡乎中行寅爲下卿
而干上令擅作刑器以爲國法是法姦也又加范氏焉易
之亡也其及趙氏趙孟與焉然不得已若德可以免

三十年春王正月公在乾侯不先書鄆與乾侯非公且徵

過也

釋文徵本
或作徵

詔廣正徵明也

杜本

服虔云非公且徵過

也過昭公無道久在外季氏非公不肯釋言公在某地

春秋之義亦以不書徵季氏之過此年書者公不得入

晉外內有困辱季氏聞而釋之所謂事君如在國

本夏疏

六月晉頃公卒秋八月葬鄭游吉弔且送葬魏獻子使士

景伯詰之曰悼公之喪子西弔子蟜送葬今吾子無貳何

故對曰諸侯所以歸晉君禮也禮也者小事大大字小之謂事大在共其時命字小在恤其所無以敝邑居大國之間共其職貢與其備御不虞之患豈忘共命先王之制諸侯之喪士弔大夫送葬惟嘉好聘享三軍之事於是乎使卿晉之喪事敝邑之閒先君有所助執紼矣說文紼亂系也若其不閒雖士大夫有所不獲數矣大國之惠亦慶其加而不討其乏明底其情取備而已以爲禮也靈王之喪鄭元以爲簡公若在君當自行疏本我先君簡公在楚我先大夫印段實往敝邑之少卿也王吏不討恤所無也今大夫曰女盍從舊舊有豐有省不知所從從其豐則寡君幼弱是以不共從其省則吉在此矣唯大夫圖之晉

人不能詰 吳子使徐人執掩餘使鍾吾人執燭庸二公

子奔楚楚子大封而定其徙使監馬尹大心逆吳公子使

居養夢尹然左司馬沈尹戌城之取於城父與胡田以與

之將以害吳也子西諫曰吳光新得國而親其民視民如

子辛苦同之將用之也若好吾邊疆

諸本吾作吳今從釋文石經及宋本改正

一作吳一使柔服焉猶懼其至吾又疆其讎以重怒之無

乃不可乎吳周之胄裔也而弃在海濱不與姬通今而始

大比于諸華光又甚文將自同於先王不知天將以爲虐

子使翦喪吳國而封大異姓乎其抑亦將卒以祚吳乎其

終不遠矣我盍姑億吾鬼神

韋昭國語注億安也

杜本此

而寧吾族姓以待其歸將焉用自播揚焉王弗聽吳子怒

冬十二月吳子執鍾吾子遂伐徐防山以水之己卯滅徐
徐子章禹斷其髮攜其夫人以逆吳子吳子唁而送之

說文唁弔生也使其邇臣從之遂奔楚楚沈尹戌帥師

救徐弗及遂城夷使徐子處之吳子問於伍員曰

呂覽作五員

初而言伐楚余知其可也而恐其使余往也又惡人之有

余之功也今余將自有之矣伐楚何如對曰楚執政眾而

乖莫適任患若爲三師以肄焉

釋文肄本又作肆

詩按陸粲云文

十二年河曲之戰使輕者肆焉注曰暫往而退也與此

傳所謂彼出則歸彼歸則出意正相類于義爲長傳遜

以陸說爲非云肄習也一師至彼必皆出彼出則歸彼

歸則出楚必道敝亟肄以罷之多方以誤之旣罷而後以

三軍繼之必大克之闔廬從之楚于是乎始病

三十一年春王正月公在乾侯言不能外內也晉侯將以師納公范獻子曰若召季孫而不來則信不臣矣然後伐之若何晉人召季孫獻子使私焉曰子必來我受其無咎季孫意如會晉荀躒于適厯荀躒曰寡君使躒謂吾子何故出君有君不事周有常刑子其圖之季孫練冠麻衣跣行歸王肅云示憂戚史記集解杜取此伏而對曰事君臣之所不

得也敢逃刑命君若以臣爲有罪請囚於費以待君之察也亦惟君若以先君之故不絕季氏而賜之死歸服虔云

言賜不使死是爲以死賜之

本

若弗殺弗亡君之惠也

死且不朽若得從君而歸則固臣之願也敢有異心夏四

月季孫從知伯如乾侯子家子曰君與之歸一慙之不忍而終身慙乎公曰諾眾曰在一言矣君必逐之荀躒以晉侯之命唁公且曰寡君使躒以君命討於意如意如不敢逃死君其入也公曰君惠顧先君之好施及亡人將使歸冀除宗祧以事君則不能見夫人已所能見夫人者有如河荀躒掩耳而走曰寡君其罪之恐敢與知魯國之難臣請復於寡君退而謂季孫曰君怒未怠子姑歸祭子家子曰君以一乘入于魯師季孫必與君歸公欲從之眾從者脅公不得歸 薛伯穀卒同盟故書 秋吳人侵楚伐夷侵潛六地理志作瀋 楚沈尹戌帥師救潛吳師還楚師遷潛於南岡而還吳師圍弦左司馬戌右司馬稽帥師救弦及豫

章吳師還始用子胥之謀也 冬邾黑肱以濫來奔賤而
書名重地故也君子曰名之不可不慎也如是夫有所
名而不如其已以地叛雖賤必書地以名其人終爲不義
弗可滅已是故君子動則思禮行則思義不爲利回不爲
義疚按義亦利也古訓義利通廣正俄衰也俄義同聲
字書立政茲乃三宅無義民呂刑鴟夷姦究義皆訓傾
衰杜注云見義則爲之失之矣或求名而不得或欲蓋
而名章懲不義也齊豹爲衛司寇守嗣大夫作而不義其
書爲盜邾庶其莒牟夷邾黑肱以土地出求食而已不求
其名賤而必書此二物者所以懲肆而去貪也若艱難其
身以險危大人而有名章徹攻難之士將奔走之若竊邑

叛君以徼大利而無名貪冒之民將寘力焉是以春秋書
齊豹曰盜三叛人名以懲不義數惡無禮其善志也故曰
春秋之稱微而顯婉而辯上之人能使昭明善人勸焉淫
人懼焉是以君子貴之 十二月辛亥朔日有食之是夜

也趙簡子夢童子羸而轉以歌

風俗通義引作裸鄭康成引作裸賈公彥正義同

詒服虔云晉諸侯之霸與楚同盟趙簡子爲執政之卿

遠夷將伐同盟故夢發趙簡子

周禮疏

旦占諸史墨曰**詒**

服虔云晉蔡墨

史記集解

吾夢如是今而日食何也對曰六

年及此月也吳其入郢乎終亦弗克入郢必以庚辰日月
在辰尾庚午之日始有謫火勝金故弗克**詒**服虔云是
歲在析木後六年在大梁大梁水宗十一月日在星紀

爲吳國分楚之先顓頊之子老童老童楚象行歌象楚
走吳姬姓日月在星紀星紀之分姬姓吳也楚衰則吳
得志吳世世與楚怨楚走去其國故曰吳其入郢吳屬
水水數十十月水位故曰六年及此月也有適而食故
知吳終亦不克後六年定四年十一月晦庚辰吳入郢
在立冬後復此月也十二月辛亥日會月于龍尾而食
庚午日初有適故曰庚辰一日日月在辰尾尾爲亡臣
是歲吳始用子胥之謀以伐楚故天垂象午火庚金也
火當勝金而反有適故爲不克

周禮疏

三十二年春王正月公在乾侯言不能外內又不能用其
人也 夏吳伐越始用師於越也史墨曰不及四十年越

其有吳乎越得歲而吳伐之必受其凶詁鄭司農云大歲

所在歲星所居

周禮疏

賈逵云吳越同分而得越福吳凶

者以吳先用兵故反受其殃

本疏

服虔云歲在星紀吳越

之分野蔡復之歲歲在大梁距此十九年昭十五年有

事于武宮之歲龍度天門龍歲星也天門在戌是歲越

過故今年越得歲龍東方宿天德之貴神其所在之國

兵必昌向之以兵則凶吳越同次吳先舉兵故凶也或

歲星在越分中故云得歲史墨知不及四十年越有吳

者以其歲星十二年一周天存亡之數不過三紀三者

天地人之數故歲星三周星紀至元枵哀二十二年越

滅吳至此三十八年

周禮疏

服氏以爲有事于武宮之歲

龍度天門按正義謂十五年歲星從申越未而至午厯

家以周天十二次次別爲百四十四分歲星每紀行一

百四十五分是歲星行一次外剩行一分積一百四十

四年乃剩行一次故昭十五年得超一辰

昭九年本疏

秋八

月王使富辛與石張如晉請城成周天子曰天降禍于周

俾我兄弟

釋文俾本又作卑

並有亂心以爲伯父憂我一二親昵

甥舅不皇啓處於今十年勤戍五年余一人無日忘之閔

閔焉如農夫之望歲

王逸楚詞章句閔憂也

杜本懼

以

待時伯父若賜大惠復二文之業弛周室之憂

說文弛

弓解也

杜本此

微文武之福以固盟主宣昭令名則余一

人有大願矣昔成王合諸侯城成周以爲東都崇文德焉

今我欲徼福假靈于成王謂廣正靈福也蓋變文言之耳

哀二十四年徼福乞靈亦同修成周之城俾成人無勤

諸侯用寧蚤賊遠屏晉之力也其委諸伯父使伯父實重

圖之俾我一人無徵怨于百姓而伯父有榮施先王庸之

范獻子謂魏獻子曰與其戍周不如城之天子實云雖有

後事晉弗與知可也從王命以紓諸侯晉國無憂是以不

務而又焉從事魏獻子曰善使伯音對曰天子有命敢不

奉承以奔告於諸侯遲速衰序謂廣正差次也差衰同鄭

元禮記注序猶次也按衰序猶言次序耳於是焉在

冬十一月晉魏舒韓不信如京師合諸侯之大夫于狄泉

尋盟且令城成周魏子南面衛彪傒曰

女選注引作奚高麗宋板作傒又毛

本衛誤作魏今从石經宋本改正

魏子必有大咎于位以令大事非其任

也詩曰敬天之怒不敢戲豫敬天之渝不敢馳驅況敢干

位以作大事乎己丑士彌牟營成周計丈數揣高卑

文揣量也度高下曰揣

杜本此

度厚薄勿溝洫

釋文勿木又作刃

說文勿申臂一尋八尺按杜注度深曰勿本高誘淮

南王書注物土方

杜本此議遠

通量事期計徒庸慮財用書餼糧

初學記引作糗

以令役於諸侯

屬役賦丈

周禮疏引作賦丈尺

書以授帥而效諸劉子韓簡子臨之

以為成命

十二月公疾徧賜大夫大夫不受賜子家子

雙琥一環一璧輕服說文琥發兵瑞玉為虎文春秋傳

云賜子家雙琥受之大夫皆受其賜己未公薨子家子

反賜于府人曰吾不敢逆君命也大夫皆反其賜書曰公
薨于乾侯言失其所也趙簡子問於史墨曰季氏出其君
而民服焉諸侯與之君死於外而莫之或罪也對曰物生
有兩有三有五有陪貳故天有三辰地有五行體有左右
各有妃偶王有公諸侯有卿皆有貳也天生季氏以貳魯
侯爲日久矣民之服焉不亦宜乎魯君世從其失釋文從本又作
紕季氏世修其勤民亡君矣雖死於外其誰矜之社稷無
常奉君臣無常位自古以然故詩曰高岸爲谷深谷爲陵
三后之姓於今爲庶主所知也在易卦雷乘乾曰大壯三
三天之道也昔成季友桓之季也文姜之愛子也始震而
卜卜人謁之曰生有嘉聞其名曰友爲公室輔及生如卜

人之言有文在其手曰友遂以名之既而有大功於魯受
費以爲上卿至于文子武子世增其業不廢舊績魯文公
薨而東門遂史記索隱云遂世本**謂**世本遂產子家歸父
及昭子子嬰也史記索隱殺適立庶魯君於是乎失國政在
季氏於此君也四公矣民不知君何以得國是以爲君慎
器與名不可以假人

春秋左傳詁卷十八終

曾孫用勲校刊